

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY

MAR 6 1947

T 3224/4660.83.

5

壇廟

劉林拓土歿為明神明德發馨與土穀之精同
垂秩祀嗚呼壯哉而典型在昔遺愛在民百世
清風猶昨也陟降壇壝鑒觀有赫芳祠薦鬯高
山景行永矢弗諠宜矣志壇廟

國朝雍正四年八月內奉

上諭設立

先農壇于雍正五年為始每歲仲春亥日率所屬
及老農恭祭

哈佛大學漢和
圖書館珍藏印

圖書印

圖書印

先農之神照九卿耕藉例行九推之禮壇廟在南
關外里許

社稷壇在縣治西里許宋景德二年知縣李堪
建於縣東尋遷縣西南元元貞間縣尹王奐移
今所明洪武七年頒降定式壇北向四方各二
丈五尺高三尺四寸階各三級壇下前九丈五
尺左右各五丈繚以周垣四門由北入豎石至
長二尺五寸方一尺埋於壇南正中距壇邊二
尺五寸止露圓尖餘埋土中置神牌二以木為

硃漆青字題曰

縣社之神

縣稷之神身高二尺五寸濶四寸五分厚九分座

高四寸五分濶八寸五分厚四寸五分臨祭設

於壇祭畢藏于庫牲用全帛用黑器用陶每歲

春仲秋仲二月上戊日舉祭建神庫三間西向

神廚宰牲房各三間北向洗牲池在神廚之前

齋宿房建於壇之左外設一門從北年久傾圮

成化十五年縣丞沈敬通重修正德十三年知

縣劉綸再構房屋三間以爲齋宿之所萬曆二十六年知縣劉曰暘修

風雲雷雨山川壇在縣治東南半里許明洪武初詔有司祀山川知縣韓秉嘉設壇六年詔以風雲雷雨合爲一壇尋詔又以城隍合祭于壇頒降神位日期立壇俱與社稷同門由南入不用木主特設三位風雲雷雨居中帛四山川居左帛二城隍居右帛一俱南向牲用全帛用白器用陶每歲春秋仲月上巳日舉祭建神庫三

間東向神廚宰牲房各三間南向前有洗牲池東有齋宿房後圮成化十五年縣丞沈敬通重修萬曆二十六年知縣劉曰暘修

邑厲壇舊在縣治西北二里許明洪武三年建七年頒降定式壇南向四方各二丈高三尺南出階三級距牆二丈五尺東西各一丈五尺北一丈南劬庫房三間東向又南劬廚房三間北向每歲春用清明日秋用七月望日冬用十月朔日前期三日主祭官率屬詣城隍廟焚牒祭

之日迎城隍神牌于壇上主祭壇下左右仍設
 本縣無祀鬼神牌位分祭之弘治末年築壇在
 城內識者病之正德元年改立于北門外庫廚
 房未建嘉靖六年九月知縣周誥捐貲創
 各里鄉厲壇明洪武二十四年頒諭每里約一
 百戶內立壇一所祭無祀鬼壇制南向四方各
 一丈高二尺壇下前一丈五尺東西各一丈北
 六尺每歲三祭亦同縣期祭出該年里甲隨俗
 置辦品物儀頗與邑厲壇同

國朝乾隆三年六月奉

上諭查修郡縣厲壇知縣姚廷格于三年重修壇在

北關外里許

- 一都壇在永通橋邊
- 二都壇在一保良坑隔
- 三都壇在二保雙坑
- 四都壇在三保會
- 五都壇在六保山丕
- 七都壇在六保墩
- 八都壇在二保官路邊
- 九都壇在一保
- 十都壇在三保白塔圳後
- 十一都壇在二保油壩
- 十二都壇在三保白塔坪
- 十三都壇在一保山邊
- 十四都壇在東溪塔
- 十五都壇在二保山邊
- 十六都壇在東溪塔
- 十七都壇在沙洲坂
- 十八都壇在石佛嶺下
- 十九都壇在沙洲坂
- 二十都壇在沙洲坂
- 二十一都壇在沙洲坂
- 二十二都壇在沙洲坂
- 二十三都壇在沙洲坂
- 二十四都壇在沙洲坂
- 二十五都壇在沙洲坂
- 二十六都壇在沙洲坂
- 二十七都壇在沙洲坂
- 二十八都壇在沙洲坂
- 二十九都壇在沙洲坂
- 三十都壇在沙洲坂

東溪路下佛殿邊
 二冊壇在西溪荒坪
 三都壇在二保登雲橋頭
 四沙荒山三十六都壇在一保觀後
 五都壇在八保大益竹
 六稷壇在三十九都壇在九保泗洲亭
 七壇在二保羅漢臺
 八四十二都壇在一保黃坑嶺頭
 九四十三都壇在四保上園胡頭坪大路後
 十高宦嶺邊
 十一四十五都一冊壇在一保吉口溪
 十二臨水
 十三二冊壇在七保孤魂壇
 十四四十六都壇在宮前

嘗考諸古立壇而祀或以祈報或以澤枯皆典之令也鄉厲它邑多廢而古田猶存此其俗之近厚者若鄉社之制當以義起而祭畢有誓則

居然周官讀法之遺意所謂禮失而求諸野復古君子寧無意哉傳曰民者神之依必民無違心而後神無苛慝有司秩于祀典非致力民事而能之乎

古田城隍古舊新二廟舊廟在一保雲津坊之西新廟在縣治西皆奉祀拓主神也神姓劉名疆世生此土唐開元間率衆歸命願編戶爲縣玄宗嘉其忠順使掌縣事未幾納職請置吏偕子弟族人退居以俟朝命詔書褒美封爵食祿

於家歿而立廟俎豆之號寧境稱為拓主父母
 子弟同享血食廟地即其故居或以為舊治即
 一保之舊廟是也宋景德間李堪為宰毀淫祠
 數百獨存此廟未幾民請遷乃更于今所崇寧
 二年賜額惠應政和二年封順寧侯後加正應
 寶祐中復加號靈顯遂封為城隍之神邑人進
 士余發林記其事至元大德間吏民葺而廣之
 俗云增廣城隍是也學士張以寧有記明洪武
 二年誥封鑒察司民顯佑伯三年令韓秉嘉重

建正廟三間南向設神牌兩廡立左右司各設
 神牌南為儀門外立華表東向有司朔望鼓吹
 伏謁凡祈禱必齋赴焉舊廟仍存示不忘也八
 年知縣鄧恭修新廟正德十八年知縣劉綸重
 修萬曆七年知縣黎民敬復修萬曆十一年後
 堂兩廊傾圯知縣譚汝賡重建三十年堂廡壞
 知縣王繼祀捐俸以修廟前有亭亭前有坊鑄

鐘二置前後堂有銘

大冶金精太音聲清鏗錡
鏗鏘徹于帝廷帝眷玉邑

寵佑羣靈惟神
翊化永贊皇明

國朝康熙五十一年邑紳陳勤宣等募修舊廟

康熙四十四年令張祐後重修新廟

安邑廟在縣治南門外宋知縣李堪建祀林溢

林希邑有旱乾水溢隨禱隨應知縣邱雙薦以

其事聞賜額顯應封溢為昭烈侯希為昭惠侯

至元廟廢縣尹趙孟籲仍其故址重建遂改今

名乾隆十六年五保六保募修

孚應廟在縣治南九十里水口鎮舊號陸川廟

又號水口侯乃劉疆之弟宋紹興二十七年賜

額英濟侯

宋余發林城隍廟記

神姓劉名疆世生此土唐開元間始與其徒以其地請於

天子而立縣元宗嘉其忠順仍使掌縣事未幾
納職請吏於朝借其子弟族人退居以俟朝命
天子不欲奪其志詔有司敘其功德加其封爵
使食祿于家疆天性仁厚友愛諸弟延及其下
歿後邑人思之為立廟號寧境歲時祭之感應
如響廟貌至今猶存咸稱為古田拓至廟即其
故居或以為舊治累加封贈至宋謚為順寧正
應侯夫人林氏號順應左夫人鄭氏號正寧右
夫人父母子弟同享廟食至今可謂遠也已矣
近時有張疆者嘗祈夢祠下侯告之曰你即為
我名後竟以此名顯嗚呼如侯者忠君仁民保
族安身生為民王歿為神宗不亦人傑矣哉侯
之諸弟亦各顯應然皆未詳其名字如康邑將
軍安邑將軍新豐崇聖侯嶺峽侯水口侯皆是

也又本廟西列監善太師乃侯之妻弟東廊鄭將軍乃侯之輔佐贊曰
 武夷之山發源自天下作斯邑曰維古田產此異人絕類離羣世守此土以待明君既獲所遇
 察變觀文遂挈所有視如浮雲豐功在國實德在民惟侯是崇千秋萬春

元張以寧增廣城隍廟記

郡邑皆有城隍祠絲唐始古田祀順寧正應靈

顯侯報本也吾閩自無諸扶翼漢室民為冠帶迄唐開元獨斯邑未造劉侯篳路山林迺疆迺畝挈而歸諸職方氏風氣日開富庶以教公卿輩出科第蟬聯諉曰觀察常公之澤屯田李公之化所致然水木本源繫吾侯之力也在禮有
 功烈於民能禦大災捍大患者歿則祀之侯之烈光昭圖牒視古之祀法奚其愧夫豈他郡邑可比歟祀在邑西麓嘉定中加前號提封百里實與長民者共理之翊庇生民除其邪禳雨賜祈禱有應如響革命初邑罹多故靈蹟益顯邑

之吏民念無以報侯惠大德八年甲辰肇謀節侯之祠增廣地基拓前墉以致其做鑿月池以備其秀伉儀門以偉其觀立協殿以明糾察屋二以奉檀施之祀亭一以為飲昨之所圮棟腐瓦咸易其舊至順中復得邑尹趙公孟籲丞胡公薛徹二宰咸孚誠意贊導創堂一所位曹司之官以昭其崇嚴像設俱新黜聖交煥訖功于至元丙子于是高明完麗稱侯之功烈與吏民尊祀之意募財買地成是役者邑人陳天益何公益高天益程原福請以寧記之以寧策名一第實侯陰相之自顧凡陋曷足以敷神休而迪民志哉抑嘗聞天地之間萬古不敝惟一正焉爾神人一理也幽顯無間也心不欺所以祀神也善必積所以求福也侯之嘉惠是邦豈有既哉拜侯之祠者式訛爾心毋諂毋瀆尚毋為神之羞是為記

武廟在縣宇後左畔明萬曆三年知縣周炎建

國朝雍正五年追封三代祀以太牢

東嶽廟在紫極宮後

靈應廟祀宋道愛孚惠侯李堪在縣西北臺山下侯令古田興學校排異教德澤淪洽侯歿民思之扁其祠爲甘棠遺愛頌以詩曰我渠湯湯襟帶一方侯德之長我陂沉沉亢旱無侵侯德之深我道我梁如履康莊維侯之藏我亭我宮明神是崇維侯之恭侯爲令時好遊大吉極樂諸寺嘗曰我死當棲神是山一日極樂寺僧忽

聞侯車馬道從之聲趨迎則烏有矣次早侯亡僧神其事私祀爲寺護法神後令傅康疾其名之不正爲請立廟得賜額靈應命下而傅令去留令元亮捐帑飭材新厥廟貌嗣是時興時頽邑闕於乘明嘉靖間大罹兵燹因基而構僅存香火而已萬曆二十七年縣令劉曰賜示諭父老曰道愛侯廟食當垂百代可令簡陋乃爾乎捐俸爲倡庀材鳩工衆心競勸堂構五楹階崇三級翼兩廊承以燕寢像以袞冕昭侯服也侍

以武士循侯度也旁列小屋以處守廟者李侯之德蓋歷數百載而常新矣

宋趙以夫靈應廟記

清源留君元亮宰吾邑之明年以書來告縣北臺寺有道

愛侯祠地狹屋敝從邑人請廣而新之既成求文記其事侯姓李諱堪景德間初宰邑有功于民具載圖記及侯之所自為記其大者興學校排異教拆淫祠以禮經變其俗至今家絃戶誦民尚義譎黜秕瘁者聲名而文物矣皆侯賜也始民共祠侯于學歲久學遷於溪之東基化為寺寺以護法神扁侯祠嘉定甲戌邑長傅公康疾其名之不正狀侯事蹟請于部使者欲更其廟號新神居未報傅公去祠牒遺後人以圖之及是以書屬留君元亮竟其志而祠牒移日久矣于是留始捐已帑飭材鳩工嚴廟貌以崇敬飾輪奐以妥靈侯之愛民致民之愛侯厥惟舊

哉然佛入中國垂二千年其道異端其教夷貊設非中國仁義禮樂之教大明為民立心立極則彼之類將不能自存而何有于亂俗侯當井邑荆榛之時教俗淪胥之後興學明道以濟人之溺然後民奠厥居而佛家者流聚廬寧處亦蒙賚焉護法雖非以名侯安知非其徒之聰明識道理者感侯之功而表其尊敬也是侯之愛非徒使吾民遷善雖舐排攘斥易怨而為德矣留君秦國丞相正諸孫有理劇才無貴驕習撫字餘力能表章前哲以淑人心傅公去邑三十年矣踐華登要猶却頽舊治思所以尚賢植教不忘其民如此侯得百里而君之十世之下民思之敬之如一日其必有道矣所得聲高位宏其所施功崇業鉅則大烝之享通國之典非侯其誰是皆可書以詔來者

明鄭宗復靈應廟記

玉田有廟曰北臺自前宋立以祀名臣李侯侯系出李唐

諱堪字仲任吳人也始繇進士第授維揚郡學
博秩滿調補古田令課農桑建學校毀淫祠扶
正教人心翕然趨化由是號稱易治焉故吾民
沐侯之德者咸喜立廟以奉祀凡雨暘疾厄有
禱輒應有司申聞于上勅付大常議封用獲靈
貺昭明于世則侯之德澤孚感于人心無存亡
之間固宜寵靈響應而無古今之異焉可誣也
洪武二十三年春仲月真定樂城董彥明由吳
江簿謫典邑幕下車躬謁祠下父老具言神靈
感通之妙因啓寸衷慨念吾民凋瘵而逋逃者
八九負租兩載集辨有弗完甚為之悼懼焉遂
虔誠默禱具奏聞以蘇疲羸興廢墜然以是心
而舉是政則侯之靈豈不有以陰隲之乎既而
果獲所願俾政行務舉而民苟安生全莫非侯
所賜也夫豈可忘也哉于是捐俸集料像以繪
飾屋以黜聖徵功就役完舊益新蓋以數十年
彫剝不治黷昧就滅者一旦輝煌而燁乎人之
目莊嚴而竦乎人之敬是皆侯之德有以廕床

于人而人得以致其伸報之誠也竊惟治民事
神一理也明以治民而民敬服誠以事神而神
感格誠則明矣明則誠矣夫豈有幽明之間也
哉今觀李侯之食茲土猶柳侯之廟羅池蓋化
民成俗無異乎在位之日但歷年久遠陵谷變
遷未知人心之敬信柳侯者能如吾李侯千載
一日乎况董公積學由弟子員致身州邑其施
為歷三任聲譽方籍甚悅于人而聽于神者無
窮也詩曰愷悌君子求福不回其斯之謂與故
邑之士人相率謂書于碑以勸將來仍系以詞
曰鬱鬱北臺惟神安宅鍾茲奇秀綿綿德澤繫
侯世系李唐瓜瓞蚤登科第于宋景德典教惟
揚考滿升秩調補令長允為民則務農勸學時
乃申飭扶植正教闢毀邪慝蠹蠹伊氓咸歸來
格建學享祀甘棠召伯孚惠遺愛頒封寵渥祈
禱響應英靈輝赫雨暘時若豐登稼穡庇佑蒸
黎邪妖殄滅懿美董公來典邑幕幼學壯行踵
武前哲除奸革弊茂著聲績克完做賦蘇民喘

息咸賴神功亦蒙帝力屏山積翠
玉溪流碧鵬程萬仞服政無斃

文昌祠明祀於學宮道立堂正統間督學周孟
中出其祠於道院萬歷二十三年諸生朱瑗林
京郭岱等呈請署縣事通判邱大成袁資鼎建
議定而邑侯劉曰暘至捐俸示勸丞簿以至學
博及諸弟子員靡不樂輸遂卜地於北臺山下
左為射圃曠地右傍靈應廟堂開東向中奉梓
橦帝君之像後有寢室兩翼有房堂前周廊中
闕內門門外鑿沼沼前豎坊繚以垣牆入門委

徑環植花竹先是祠成欲刻像鮮良木忽夜雨
飄巨樟於溪前邑人走白署縣事丞李元若令
致祠下遂像焉

三皇廟在縣西元延祐三年建明洪武二十九
年以古帝王非州縣所宜祀撤之故址猶存

真武祠在水口分司之南隔溪有山俗名小武
當祠在山麓松杉秀整遊人覽勝登焉

順懿廟在縣治東三十里地名臨水神姓陳世
巫祖玉父昌母葛氏生於唐大歷二年神異通

靈嫁劉杞懷身數月會大旱祈雨響應術神而身已告殞矣訣云吾死後不救世人產難不神也卒年二十有四自後靈跡顯著臨水有白蛇洞吐氣爲癘疫一日有朱衣人執劍索蛇斬之鄉人詰其姓名曰我江南下渡陳昌女也忽不見亟往下渡詢之乃知其爲神爲立廟祀於洞有梳粧樓建寧陳清叟子婦懷孕十七月不產忽一婦人踵門自言姓陳善醫令陳別治樓樓心穿一穴置產婦于樓上仍令備數僕持杖伺

樓下旣而產一蛇長丈餘自穴而下羣僕捶殺之酬以金帛不受但求手帕一方俾親書陳清叟贈救產陳氏八字且曰某居古田縣某處左右鄰某人異日若蒙青眼枉顧爲幸出門不見後清叟知福州憶其事遣人尋訪所居鄰舍云此間只有陳夫人廟嘗化身救產諦視之則所題手帕已懸於像前矣陳爲請於朝自是祈禱無虛日宋淳佑間封慈濟夫人賜額順懿明張以寧有記舊有祀田

明張以寧順懿廟記

古田東去邑三十里其地曰臨川廟曰順懿其神姓陳氏

肇基于唐賜額於宋封順懿夫人英靈著于八閩施及于朔南事始末具宋知縣洪天錫所樹碑皇元既有版圖仍在祀典元統初元浙東宣慰使都元帥李允中實來謁廟瞻頽咨嗟命廣其規未克就緒及至正七年邑人陳遂嘗掾大府慨念厥初狀神事蹟申請加封廉訪使者親覈其實江浙省臣繼允所請上之中書省衆心喁喁翹俟嘉命會遂以光澤典史需次於家於是致力廟宮祗迓殊渥帥諸同志請於監邑承務公觀由典史魏薛上下翁合抽俸倡先雄資鉅產聞義悅從禴禱祈禱遠邇來者懽欣樂施遂斥金楮鳩工徒新作香亭外內者二六神祠生成宮各一重修儀門前殿後寢梳粧之樓下馬飲福之亭像設繪飾丹漆朽填之工咸極精緻前甃石垣以翼龍首後浚水渠以殺潦勢又闢生祠以報承務公之德經始于丁亥迄戊

子春落成壯麗輝煥怵心駭目邑之耆老敬祭聳觀以為有廟以來未觀斯盛殆山川炳靈明神垂鑒待人與時勃然奮興者也請為記之以寧唯吾閩之有神光耀寓內若莆之順濟漕海之人恃以為命有功于國家甚大綸音薦降褒崇備至今順懿夫人禦災捍患應若影響于民生有德豈淺淺哉廷議必有處矣遂也能出心力因時建績民不勞勩亦可謂難已遂記其事且繫以詩曰瞻彼臨川新宮峩峩六珈象服如山如河維帝好生神能大之維民敬祀遐不愛之峩峩新宮鎮彼臨川若子赴母人心同然杭稻滿家既多牲酒神人具懽疵癘罔有不殪不殪生民振振於千萬祀事我明神

顯應廟在縣東北二十五里神姓黃諱師孟家

世巫也宋景德間歿殯于竹洲遂祠焉墳前有

二竹自能掃墳故號竹仙紹定六年賜額顯應
封靈佑侯今鄉人猶祀之

靈淵廟在縣北五里廟矚溪流下有洞穴祈雨
輒驗舊號牛角龍王廟宋紹興十四年賜額封
溥濟侯

上坊龍王廟在縣北一里

下坊龍王廟在縣南五里

百丈滌龍王廟二

一在縣西南二十五里
一在縣東杉洋溪源

以上四廟創立年
代已久不可考

羅方伯祠在城隍廟東

康熙四十一年
燬基存

崇德祠在縣坊三保祀少叅魏公也公諱棨豫

章人明嘉靖癸未賊首周馬良構亂杉洋與官

兵抗當路議欲盡屠其地時公分守單車至古

田計擒周馬良等殲之事平又議撥浦城民壯

二百名防守坑冶公謂瘡痍未滿戍餉頻仍古

田不堪命矣議照上坪寶坑事例撥軍看守民

咸德之立祠于吉祥寺傍後二十年壬寅公之

子諱良貴以廷評讞獄閩省捐俸買田四十三

畝寄戶吉祥寺歲取租粒以益春秋之祭屆期
令長率屬祀焉萬歷二十三年有貧生謀占其
佃僧質于縣令劉曰賜斷仍屬寺供享祀如初

明徐宗魯方伯魏公遺愛祠記

史敘漢吏若義縱治定襄一日報大

辟四百餘人郡中不寒而慄至路溫舒治河內
豪猾相連坐千餘家郡中無敢行其風稜誠峻
赫也然史之言曰取為小治姦益不勝矣又曰
吏民益輕犯法盜賊滋蔓上下相為匿迺知政
尚夷戮乖好生之德虧損國家元氣識治者深
病焉豈若東郡拊循感隨車之涕泣廣陵化導
致負土之悲懷去有遺澤歿有耿光斯所謂豈
弟君子民之攸壑者乎閩壤憑山距海自昔為
要荒之域故多剽悍草竊嘉靖癸未歲盜起古
田縱掠旁邑以巖谷為巢穴屯聚弗解或獻議

于臺使曰杉洋盜藪也不如屠之使盜無所舍
且易有功時布政司叅議魏公分守茲境獨持
不可曰杉洋千家豈有人皆盜耶渠魁未獲乃
荼毒無辜以要功吾不忍臺使感其言屬公往
經畧之公至勒兵守要害以防竄潰徐遣父老
諭盜曰首亂者周馬良也能擒馬良來降餘悉
罔治不然若屬無噍類矣盜乃大愬縛周馬良
詣軍前請死羣黨解散古田以寧臺使上公功
進秩焉公天性敦樸言若不出口至遇變故則
斷以定見屹然不能奪如古田之役是已願又
謙厚不伐人鮮知者千家之命實賴片言全活
故愛公真如父母相與立生祠繪公像歲時祀
之壬寅春公之子大理寺正良貴奉勅慮囚於
閩父老迎問公起居知已謝世又相與哭祠下
盡哀有司以狀請于余曰名宦有祠國家彝典
公歿後之思若是真名宦哉請祠祀古田之學
官何如余惟表章仁賢有益風教公之治績與
東郡廣陵媲美齊休祠而表之弗可以已迺檄

有司葺其舊祠而名宦之請則咨議于藩臬諸公僉曰允宜乃復檄有司祗修彝典云公諱榮字喬儀江西新建縣人弘治己丑進士歷官南京行人司副刑部員外郎吏部郎中出涖閩藩最久自叅議擢左叅政右布政使致仕嘗行部至延平值大旱齋沐禱雨輒應有慶雲上覆公行雨中獨不濡此其至誠恤民能動天鑒不特古田去思可紀也公之先君光澤令有賢聲亦祠諸光澤學宮大理君平反之政詳慎明恕魏公厚施于閩蓋三世矣銘曰山海之墟頑民聚焉政教弗藏吏亦有愆彼何人斯忍蹈逸德玉石俱焚自謂威克賢哉魏公視民如傷弗縱封豕而刳羣羊甘澤所敷虐燄遽息弗忘一鏃乃安千室魏公于邁慶雲如蓋天鑒曷臻維民之愛俎豆千秋以寄爾思公眷舊遊庶幾格之邑宰懷仁廷許敬獄世濟其休閩疆之福薄言薦公在泮采芹刻辭貞珉以詔後人

徐公祠在五保明隆慶五年邑人追思前令徐公建之遺愛立祠祀之祠後屬按察分司牆外之空地歲佃民爲園輸租于縣蓋甚微也萬歷二十八年縣令劉曰暘合祀徐公于報功祠然遺像尙存不忍毀也遂將分司之空園鄰于祠後者割以予祠俾奉香火之人歲食其租藉以爲守司地直深三十丈濶三丈東至按察司牆西至民居牆前至遺愛祠牆後至司後牆吳百戶巷享祀之需舊無祭田有田自劉令始

明鄭茂徐公遺愛記

隆慶元年丁卯冬予拜廣南

浦古田令楊存禮先期遣椽函書幣候予于水
 口之干為其前令桐湖徐公遺愛勒石屬筆于
 予予因憶曩歲癸卯竊聽鹿鳴公校文簾外嘗
 一奉顏色于稠衆中厥後濫竽浙藩過公之廬
 而問焉則公已俎豆學宮益信其為令德君子
 也茲又奚敢以不文辭謹按公名建字曰中世
 為浙之餘姚人少治高堂生之業旁涉他經苞
 綜羣史浙人士多出其門領鄉書哀然為三禮
 冠筮仕為福清古田其再試也公視福清嘗力
 抗中使省八郡之費數千緡以故大名籍甚福
 清人至于今德之語在陳五山郡守志善政碑
 中其治古田也如福清邑故有坑寇糾合鄰省
 嘯聚為奸未易猝除聞公至輒望風股栗相與
 亡命解散終公任民得晏如無外警云公脩身
 潔行凡邑中鐵冶牛憑諸例一切罷却未嘗受
 束脩之遺恂恂長厚不欲輕笞撻一人如解姑

婦之獄釋父子之訟率以至誠懇切風之以巖
 邑人文湮鬱未宣為之捐貲市地拓新廟學政
 暇與博士弟子談經辨難獎迪鎔鑄士乃崛起
 取上第者在邑五年民無逋負兵免戍守步列
 亭障居多積倉嘗勞來循行休舍百里外召父
 老輩勉帥孝弟民間之爭持牛酒至最後以覲
 考行老稚遮擁者數千人直欲詣闕乞璽書增
 秩如漢時故事公慰諭之至再乃止遂相與刻
 石紀恩至今興學頌德二碑巍然道左此其終
 始大較也嗟夫公去古田凡三十載矣古田之
 父老每過邑門相與譚往事輒涕泣如一日也
 屬者乃與大夫士謀以公之祠像請於督學蔡
 見麓公公覈實報可于是吏民爭奔走從事與
 漢之桐鄉奉嘗朱邑又奚異焉耳故其治行亦
 無他竒效也聞之陳龍白少宗伯云桐湖公自
 束髮時廩廩乎斐嚮古道後復與王陽明先生
 討訂理學使得肆厥施豈獨以良史掩映東西
 京已耶予嘗行役過桐城之鄉其工人猶能指

說奉嘗朱仲卿遺址予欣然慕之為之徘徊頓
轡不忍去乃今又幸見于公孰謂古今人不相
及哉仲卿歿後天子嘉其廉潔賜其子黃金百
斤以奉祭祀然其子勛業則無聞焉今公之仲
子雲嶽諱紹卿登嘉靖丙辰進士以為部大夫
出守吾郡砥行礪搯布德宣猷海邦凋瘵方倚
若干城他日當與龔黃並傳世德象賢後先炳
煇而皆徵惠于吾閩較之仲卿有餘榮焉祠在
邑西方為堂舍凡若干楹經始于隆慶元年八
月日而于季冬吉日落成景行前修量材度地
則知縣楊公存禮暨縣丞甘露王簿趙潤典史
何士俊誦思遺德協謀倡議則薦紳本縣儒學
訓導趙瑩林清鄉官余君堂
等庠生魏焯湯德丁朝立等

趙昱徐侯康民記

夫法行于不可行者謂之弊政
為治者欲去沿襲之弊以為久
安長治之計非練達之才通權之見不可以言
經濟也古田為邑東西南北相距數百里其間

坑塲之守有三附近有曰龍嶺百五十里有曰
游家皆設官軍百餘名附以民兵守之二百餘
里有曰寶興近于三峰禹溪當建安壽寧政和
松溪之衝視諸坑最為要害永樂年間嘗設官
軍五十名立寶興倉就于民米以給軍餉軍民
兩便以故地有設險百餘年賴之迄嘉靖七年
適有龍嶺游家礦賊構禍時代巡劉公議以寶
興礦絕移官軍以益游家之守以致流賊越境
嘉靖十七年計鄉民死于賊者八十餘人二十
三年復哨聚劫掠乘奔水口延燒數百餘家生
民之禍莫慘于此代巡何公議設機兵百名為
之防守時我侯當應朝復任之初適下之議侯
難之以古田疲敝復設機兵百名正額之外歲
加七百餘兩民不堪命矣其既也侯廣詢博訪
叅之父老以窮要害乃得三峰禹溪及寶興罷
守之由侯曰寶興之官軍既復則水口之民兵
亦可以無設三峰禹溪之有備則龍嶺游家水口
亦可以無患遂改龍嶺游家民兵五十名護衛

水口復造鎮樓為之雄據抽龍嶺荒洋官軍百餘名住劄三峰禹溪之兩隘達之當道抗言而力救之代巡何公守巡黃公利公咸允厥議由是水口無失所之民丁苗無加編之擾動合萬全勢成犄角非特偏安于一隅也君子曰琴瑟弗調必改而更張之政求便民令之經也侯之變通而宜民轉旋而經理出拘攣之見而妙通方之道侯真吾民之父母也蓋父母於民所欲與聚所惡勿施利為之興害為之去是故盜賊悉平潁川借寇漁陽殷富百姓歌樂漢之循吏鮮克是儷也侯之涖政事可便民則圖之而不知有已事弗便民則抗之而不知有上故可以抗當道而不可加賦以厲民可以剔時弊而不可因襲以玩寇真吾民之父母也鼂錯曰人情莫不欲富三王厚之而不困人情莫不欲安三王扶之而不危侯之謂也父老陸福清葉日丙等戴侯之功因與鐫石以紀于昱昱頓首百拜言曰功之大者恒使民懼其忘也而必紀之將

以繹思于後世也昱嘗適寶興之墟見農者桑者出作入息怡然自遂譬之泳者忘川棲者忘枝及言往事則涕泗愴慟曰吾之婦子寧止徐侯之賜也某聞之嘆曰可以觀民心也寶興之民安邑之民可知邑之民舉安則皆居而忘感事而興思者蓋遺以安則相忘觸于物則易感垂之久則致思太史公曰安民可以行義侯之民忘也感也思也則知所以興教化乎侯諱建浙餘姚人戊子禮魁有善政詳于頌德興學記故不復贅云

熊公祠在三保祀谷口熊公諱彥迪也公豫章

人多勇畧為巡司時會永福劇寇蟠據桃花洞

全閩為震公領官兵直搗巢穴擒其酋長餘黨

悉平陞兵司指揮未行卒邑人懷其靖亂之功

祀之明嘉靖間知縣向縞請大司空朱鎮山公

衡記其事至萬曆二十八年縣令劉日暘建報

功祠合王公徐公與公之神同祀云

明朱衡谷口巡檢熊公祠記

熊公彥迪江西南昌人早歲嘗疏于朝二

十事其一乞罷江西採辦大木尤偉及官谷口
巡司以捍賊功捷聞擢南京兵馬其鄉井宦所
之績蓋相方云公逝百五十年人人尸祝愈久
不忘既祀名宦又祀之專祠豎石于亭知縣向
縞請勒石以慰邦人昔陳忠奏禦盜之法凡盜
為上官所糾覺一發部吏正法尉貶秩一等三
發令長免官當是時漢炎已微盜賊浸起而忠
立法之論至嚴夫以不能捍賊論法則能捍賊
者其功可錄矣觀彥迪公官谷口永福寇起蟠
據桃花洞全閩震撼公于是統領官兵數千直

搗巢穴擒其酋首數十人餘黨悉平蓋官兵之
不能勦守令尉之不能平一巡檢身任之其功
豈不鉤然偉哉若公者仗君靈以濟幸不死以
功著假使不幸將繼以死事濟為功不濟為忠
不謂功抑且忠者耳按祀義一曰報功報功者
以勸功也是故祀公以報功自今以往凡官谷
口者知父老以報功祀之意皆謂功之不沒于
人心如此豈惟谷口凡官古田者知谷口之微
宮有可祀之功如此豈惟古田白公以功附錄
成祖實錄凡讀史者皆知谷口微官有可祀之
功如此故曰以勸功者也他如被檄清荒田千
頃建虎溪寨保障一方其功尚多宋曹光實為
黎雅巡檢勞來安集民夷懷之有俊傑之稱彥
迪其俊傑歟公身後俱貴顯參政公洛督學公
汲先後入閩炳然相望其功德深于民者彥迪
公遺之也以熊世美在閩則人心不磨雖石固
有時而泐云

大中丞金公遺愛祠在黃田驛傍公諱學曾號
 省吾錢塘人也軫恤驛困下令黃田驛照舊只
 辦輿夫令滄峽照舊分辨槓夫勞逸適均自黃
 田驛以至古田縣十八都百有餘里之氓若解
 倒懸故心懷而祀焉詳載內翰劉曰寧記中明
 萬曆年間二都民陳文明用銀一十二兩承買
 康國棟池園小屋至十八年三月內投告本縣
 願充出以奉本祠油燈之資是足觀民心矣

明劉曰寧金公遺愛祠記

曰寧向在丁酉秋叨典
 閩試得縱觀海濱鄒魯

之人交竊睹當道大人之政教時東事方震羽
 檄交馳省吾金先生以大中丞視師海上心切
 衣袂謀先桑土選材官募超距務精以多制樓
 船煉火器務堅以銳葺城垣積糗糒務完以實
 矯矯乎將裒鯨鯢之魄而煎其脂一時扞擻之
 勲推閩鎮為嚆矢曰寧佩服中丞先生則非自
 投驩入閩時曩分臬江省曰寧徵領賢書先生
 實監臨之衣鉢之雅所從來矣伯兄曰賜承乏
 令古田為中丞公部下吏庶幾稟桀獲無忝官
 常吹墳之聲又若乘風而益起是我昆與仲均
 賴先生而有造哉比撤棘出三山伯兄遲寧因
 溪述所併庇于公其貺蓋如天也纒纒悉之則
 曰中丞公之撫閩也為荒歲謀則議建常平為
 萑苻慮則令申保甲為島夷防則法嚴偵候以
 古田視之其猶眾父母乎蕩然不自以為恩民
 亦皞皞而忘德若茲復蘇之黃田何能一日而
 諉公哉黃田有驛實當全閩之衝環驛以居其
 衆可指數也舊以輿夫屬黃田以槓夫屬滄峽

蓋酌其力而調停之已著為令典無何延郡蟬
脫其累而中禍于黃田歲議輸千二百金為黃
田助一切夫役咸專責焉于是黃田始疲奔命
勢不得不取辦于孤邨又不得不以贍夫之額
分派十八都于是驅鑄鑊于推輓舍胼胝而肩
摩待命累朝供役一旦聞風竄避藝樹就荒甚
則盡捐養贍之值以與包攬而又私貼米石者
伯兄蒿目而憂不勝螳臂之怒欲改絃而更之
第既革而議復是非之說易淆也以縣令抗二
千石輕重之權易倒也復益以魑魅而雜以笙
簧疑貳之端易生也先生燭之若觀火斷之以
萬鈞謂黃田之愬為切膚謂嶮峽之復非好閩
以延郡協助于黃田者仍歸諸延郡以嶮峽原
有之楨夫仍歸于嶮峽此其恢復之大端也黃
田則嚴包攬之禁定輪派之規贍鏹發於縣帑
勞逸均于水陸所以防侵漁廣恩澤者靡不曲
為之計用是載南畝者享饋饁之安充行役者
無缺急之苦皇華之使不至于稽程郵驛之中

不聞有箠楚伯氏受德于中丞公視仲孰多曰
寧謹識之它日得紀公勛于石室茲皆可采擷
也越今歲庚子先生得汶予告次黃田民望牙
纛而稽首曰是嘗蘇若困也者是嘗貽若安也
者是嘗出若干荆棘而寘若干康莊也者願得
春秋俎豆之敢告父侯以黃田為畏壘乎伯氏
走書返梓溪媿媿述輿情且言仲史臣也蓋為
知已誌俗吏將鐫玉山之石以俟焉曰寧爽然
曰中丞公大造于閩已耳而目之稔矣詩云文
武吉甫萬邦為憲中丞公業以許謨憲萬邦奚
規規若記為抑將曰蒼蠅附驥可越千里伯氏
欲附大人以成名耶曰寧何敢藏其拙以負先
生大中丞名學曾別號省吾浙之錢塘人古田
令劉姓名曰暘豫章人奉頌德意亦與有勞得
書

報功祠在南門外祀前明邑令王公所徐公建

谷口巡檢熊公彥迪王公治古田禦寇保障之功深入民心始祀于舊府館未幾燬移祀于見遠樓明萬曆二十八年縣令劉曰暘捐俸付義民鬻地建祠又念徐公熊公雖有特祀祠宇湫隘未足棲神且分門異處時當殷薦寧無誠懈于既灌乃併奉木主共享一堂祠成劉令仍以俸買田備祭享與祠有記

明邑令劉曰暘報功祠記

仕宦有豐功則必有輅車乘馬之榮謳吟頌祝

之美不幸不獲取報于身羣起為悲悼懷其音容薦之俎豆識者謂斯之報與彼孰多明與令

古田以功著有東莞王公所姚江徐公建谷口巡司豫章熊公彥迪王公當嘉靖之季倭夷訖海上距古田數百里而遙人謂山深徑阻倭必不犯王公抱先事之慮增城垣繕樓舍鑿溝濠工甫竣而倭薄城下楊刃鼓噪觀者魄落公策守策戰神定氣張夜焚其巢穴晝登陴搯矢石竟挫倭銳共遁去時有仗募府之令叢奸細之疑衆將競喋其肉公謂殺戮不可擅衆怒不可禦徐解其驕憤厚防其叵測卒事定而民安社稷賴之徐公令古田先于王公其道在勸農力本阜財興教福清倉之米價不令以譁增縣學前之通衢捐貲為改闢循良之理也熊公以巡檢微秩丁劇賊據桃花洞之變設奇制勝率精兵數千搗其巢而殲之貽閩人以衽席之安戡定之伐也王公乃從左遷去徐公以誣罷熊公卒于官皆不獲身享論功之報邑人惻然咨嗟各祀以祠獨王公祠未幾燬移祀見遠樓亦且不血食不佞曰暘悉公在事之劬瘁襲公保障

之遺休不忍簡陋是狗第計古田懷德于王公
千百其人如一心不必千百其人如一方中心
藏之輸力報之不鼓則不奮不聚則不成况時
之閱歷既久祠之更移以再卽有好義之意氣
寧保其不衰率之作之不可諉也乃捐俸爲士
民勸衆遂翕然卜地于南門外右偏拓基明德
書院之後堂開三楹東向門北向廊廡翼翼繚
垣以甃祠址深五丈九尺餘濶四丈旁有隙園
深五丈九尺餘濶一丈九尺餘掃除有役歲食
于官居書院旁之小屋蓋兼守焉諏日之吉將
奉王公而祀復念徐公熊公雖有專祠其地非
爽塏其立各異方二仲舉祀遍詣諸祠下得無
誠懈于旣灌乎故奉二公並祀于一堂序位以
功爲準奉王公居中明特報也徐公之功少遜
于王時雖先而左之熊公功不在王公下官則
令之屬也時綦先功綦著而右之祀需于儀物
猶養需于芻豢費出公帑非善經也廉得欺隱
田產量予之值籍爲祭田凡一十二畝餘土名

租額另載在牒每祀羊豕果酌香楮之類計贍
經費竊意體民情光秩祀樹百代之仰瞻妥神
靈之陟降皆酌諸禮裁諸義庶幾無
負于從政矣勒而記之用垂永永云

懷德祠在水口祀鹽運分司運同艾陵林公也

公諱烈粵之東莞人明嘉靖間以戶部尚書郎

出涖是任持平秉公一塵不染水口知學者鮮

公善勸導立射圃以育士類崇正學以淑人心

民亦浸浸嚮誨卒于官屬續之日身無華衣囊

無餘積人哀慕之立祠祀焉大司徒晉安馬森

爲撰記越三十年餘萬歷戊戌歲公之子諱培

以名御史謫添註知事來署分司事捐俸為公
 拓祠宇軍門金公為置祭田二百四十七畝以
 備春秋殷祀之費田坐產閩侯二縣溫陵致仕
 僉憲尤烈有記
 鹽運分司瀛臺陳公生祠在水口公諱懋昭字
 建中泰和人也明鄉貢歷同守遷嵯司貳廉靜
 有守時議開大田新港公謂新港開則西路塞
 課之滯也孰職其咎事竟報罷他若督水客以
 速幫運絕私販以清積蠹興利去害調羸補縮

常例竒羨罰鍰謁之屬一切屏絕再閱歲以
 持服去人思其介立祠祀焉大奉常三山陳聯
 芳有記

鹽運分司金吾蕭公生祠在水口對溪小武當
 山公字曰遜諱敏道南昌人也明進士令新昌
 歷尚書郎出守徽郡以失貴臣意左遷貳嵯司
 下車力懲宿弊杜常例裁冗費汰牙行絕請托
 秤掣開賣諸務必躬逋課之懲夾帶之罰凜如
 也公餘不廢吟咏如困溪漫稿嵩陽諸集真以

文雅飭吏治轉福郡守人懷其德為立祠塑像
知縣譚汝賡捐俸置田三十五畝以為祭享之
資田畝載在田籍中

鹽運分司漢陂屠公留愛祠在水口驛傍公字

田叔諱本峻鄞縣人也明比部郎出貳離司性

亮直不徇權貴閩中附海之引向多為貴人所

據公獨照幫計引照引給派諸商德之公餘即

吟咏自適富于著述興射圃立社學恂恂若經

生擢辰州太守去立祠以祀蓋思其公而慕其

雅云

明邑令楊德周過祠下賦詩云鹽筴多嘉
譽詩篇更擅場勒銘今峴首聞笛舊山陽

古路千峰落芳祠一水長
清風倍惆悵獨薦荔支香

劉公祠在縣治二保大街祀明邑令劉若金

陳侯生祠祀邑令陳瓚

一在縣治三保府館口
康熙四十年邑士林大

振等募建祠前後菜園魚池店屋年載租銀三
兩輸儒學五月二十三日生晨備祭一在縣
治南關六保康熙四十年合邑士民建祀一在
在縣治西九十里黃田康熙四十年鄉民建祀

兵制

古者兵出于農以田賦出兵古田其選矣碩樓
 剔巖谷林箐茂密伏戎於莽肅清為難非有勝
 兵足資守禦則武備單弱何以膺干城之寄哉
 農出食以養兵兵出力以衛農二者相需不可
 廢也志兵制

古田兵制宋元以前無考明初設守城兵二百名
 團練兵一百名各選武藝驍勇者為總甲以率
 之至嘉靖年間倭警扣機兵工食三十名解充

召募存團練守城兵一百七十名後塔嶺嶮峽不逞爲梗撥兵五十餘名統于百戶各分水陸汛地萬歷二十三年以官軍代機兵又扣工食七十名終明之世在縣兵不過百續增二十名而已又有設在杉洋雙溪而統于捕盜館者舊設巡檢司統弓兵三十名周馬良等據險抗官兵議者欲盡屠其地少叅魏公棨且剿且撫得首惡誅焉蒐厥逋藪尋其仄徑與延建長溪連羅諸邑錯通亡命竄匿計非郡司馬提兵鎮之

不可正德二年專設督捕館而古田縣編派機兵九十一名以備調發又分派閩清縣兵五名壽寧縣兵九名羅源縣兵十名建安南平寧德兵各十六名政和縣兵十七名連江縣兵二十名聽捕館指揮嗣地方漸寧謐每歲各縣只徵機兵工食銀兩聽古田之民籍而充之分撥守隘如白溪梧桐僊胡長林雙澗等處萬曆十七年二十八都有賊張廷希弄兵都內齊民吳希堯等奔投軍門議下于雙溪地方另立公館新

設兵六十一名又于杉洋原設兵內撥出三十
九名湊滿百名併統杉洋捕館聽其時巡查點
仍置教場以便演習至二十九年草兵百名以
工食充站額

古田舊有軍器歲久朽鈍明邑令劉曰暘申請上
司併激勸在坊殷戶依糧均派建城堡造軍器
集紫極宮為鍛煉淬礪之所括舊貯軍器閱其
堪用者整之武備脩而民志固劉令之留意地
方此類可見矣

演武亭

在縣東北溪山亭側係官買民園為之
明正德五年創亭三間操練民壯屢被
溪流衝圯萬曆二十五年知縣劉曰暘重建
扁其亭曰簡閱雙溪公館亦有演武亭一所

國朝順治年間撥撫標遊擊一員兵三百名駐劄古

田康熙元年改調福協左營遊擊二十二年始

以守備二十八年奉文掣回酌定駐防古田縣

城兼轄羊角嶺等塘汛千總一員兵一百五十

名協防外委把總一員駐劄杉洋分防水口汛

兼轄安仁小箬馬槽隔小雄等塘汛把總一員

兵五十名分防黃田汛兼轄新庄等塘把總一

員兵五十名

塘汛

四十四都牛頭塘

東至觀音橋二十里 西至安樟二十里 又十里至瑞

岩橋 南至四十都秀峰三十里 北至金

四十六都牆洋塘

坐址前墩 東至下丁山十

里 又至嶺頭十五里 西至林竹洋十里 南至石步坑塘 北至上丁

石步坑塘

東至箬洋十里 西至十三都中直

南門七

四都上洋塘

東至八都槐門十里 西至無名

至二都水
槽嶺五里

赤林溪塘

東至無名橋十里 西至二都馬蹊

里北至
上降五里

一都牛角嶺塘

東十里至東安 北十里至閩

湯壽橋塘

本縣汛係閩清地方 東十里至油

行閩清界 西五里至業倉 北十里至馬坑閩清地方 南十里至彭仙尾閩

二十一都舊鎮塘

東至秦洋三里 秦洋至橫

坑三里建安界 橫坑至夾頭六里 夾頭至嶺後七里 嶺後至富地

三里 富地至山峰十里 山峰至二十三都嶺頭塘五里 西至乍墩十里 乍墩至

籌嶺隘十里建安界 南至南吉後村隘二

十里建安界
至縣八十里

十二都半坑亭塘 東至東山十里 西至保恩
三字石五里 南至三字石五里

六里 大模兜至六保三里
北至楊梅嶺大模兜

七都曹洋塘 東至弔坑村五里 西至墩頭村
北至三字石二里 南至

火攝坑
三里

閻林塘 東至五斗坵二里 西至長嶺五里
北至火攝坑二里 南至寶溪亭三里

巖頭塘 南至湯洋五里

藕橋塘 南至湯洋一十五里

二都黃田塘 東至一都谷口塘十里 西至新
庄塘十里 南至大江隔河三都

界 北至汶
洋十五里

一都秀嶺塘 東至新溪五里 西至羅灣三里
南至天坵三里 北至峩洋塘十

里

峩洋塘 東至谷口塘十里 西至下洋四里
南至柳埕坂三里 北至過江三都界

二都新庄塘 東至黃田塘十里 西至三都口
塘十里 南至大江隔河三都雙

坑 北至
淋洋十里

三都口塘 東至新庄塘十里 西至隔排坑二
里 南至隔河三都界 北

至九龍山十
里 南平界

羅灣塘 東至灣口塘十里 西至虎湖二十里
北至大江隔河一都界 南至湯湖五

灣口塘 東至埕頭五里 西至羅灣塘十里 北至大江隔河一都界 南至馬洋十里

五都羅坑塘 東至九都前村十里至縣三十里 西至洋頭五里 洋頭至坑邊二十里

六陂 至建安丁地二十里 南至走馬嶺三十里

洋東 走馬嶺至四都橫橋十里 西至梅洋東山東山至宰牛坪十里 宰牛坪至南平縣大演二十里 北至九都七保四十里

三十 五都杉洋塘 東至陳家前二十里至栢洋 西至松洋五里至天湖 西至三十九都張店二十里 南至三十七都茶洋二十里至三十八

塘房 都善德院二十里又至文武溪十里羅源界 北至三十六都白溪二十里

塘房

康熙五十四年二月知縣趙弘煥奉 憲重修

雍正十三年春知縣朱岳楷奉 憲新建水口

汛把總汛署一座三間五柱總塘塘屋五間

乾隆六年八月知縣劉之麟奉 憲修理黃田

汛署房一十一間水口塘望樓一座牌坊一座

羅灣塘望樓一座灣口塘望樓一座杉洋塘塘

房五間上洋塘塘房三間耨橋塘塘房三間又

起蓋秀嶺塘塘房一間新庄塘望樓一座牌坊

一座石步坑塘塘房三間牛頭嶺塘塘房三間

水口汛官署五間榭屋七間總塘塘房五間黃

田塘門樓一座

雍正十三年新分屏南因於古田地界添設嵩

洲富達尋洋堤教場門四塘每塘兵三名自嵩

洲塘十五里至富達塘十五里至尋洋堤塘十

五里至縣教場門塘

黃田汛轄新庄塘哨船二隻黃田塘哨船二隻

峩洋塘哨

船二隻 羅灣塘哨船二隻 灣口塘哨船

水口汛轄水口塘哨船二隻左軍所轄黃田

差通巡防蓋緣溪灘危險船小料薄日夜撐

駕易于損壞是以二年一修三年一造船隻

堅固不致悞公

東

交對公
望國本

海

千員東
益縣

水

水口

水

水

水

職官

宋

朝廷設官分職期于無曠厥官克盡乃職而止

勿謂民愚屈指百餘年中某也廉某也能未曾

錯評一二合紀綜觀亦清濁臧否之林也蒞斯

土者厚自愛鼎無為父老所心非斯可矣志職

官

唐

縣屬中縣

令一員

掌道風化察冤滯聽獄訟凡民田收授
縣令給之每歲季冬行鄉飲酒禮凡稽

帳傳驛倉庫盜賊隄防
雖有專官皆通知縣令

丞一員為縣令之佐

主簿一員主勾稽簿籍糾正一縣非違

尉二員掌分判衆曹收率課調按唐書凡縣有司功佐司倉佐司戶佐司兵佐司法佐

司士佐典獄門事等畿縣減司兵上縣有司戶司法而已

經學博士一員掌教導導諸生如太學博士

助教一員按唐書京縣學生五十人畿縣四十人中縣以下各二十五人

宋

縣屬望縣按文獻通考建隆元年令天下諸縣除赤畿外有望緊上中下七等之差

蓋京都所治為赤縣京之旁邑為畿縣其餘則以戶口多少與地美惡為差四千戶為望三千戶以上為緊二千戶以上為上千戶以上為中不滿千戶為中下五百戶以下為下

知縣事兼兵馬監押一員按宋史掌總治民政勸課農桑平訣獄訟

有德澤則宣布于治境凡戶口賦役錢糧賑濟給納之事皆掌之以時造戶版及催理二稅有水旱災傷則以分數蠲免民有流亡則撫存安集之無使失業孝弟行義聞于鄉閭者具事實上于州激勸以勵風俗太平興國以後率用武臣景德中兼兵符天禧初始授

丞一員宋初廢置不一紹聖間令諸縣及萬戶註丞一員古田崇寧間始置丞見三山

志

主簿一員

按三山志開寶三年詔諸縣一千戶以上依舊令簿尉三員紹興十六年

臣寮劄子國家創業之初人物稀少權宜措置將東南縣小而事簡者簿常缺員而尉兼

之其後縣滿萬戶置丞而簿猶缺朱異劄于萬戶以下縣分已不立縣丞却多有主簿兼

尉者乞增置主簿一員從之古田淳化中省簿尉兼之

尉二員

按宋史掌閱習弓手緝奸禁暴凡縣不置簿則尉兼之建隆三年每縣置尉一

員在至簿之下俸賜並同邑大事繁則置二員古田初置一員元豐二年增置西尉一員

共尉二員

監商稅務二員

監水口鎮一員

舊有稅務以古田縣官兼監大中祥符中置使臣一員司鹽倉

給納遂兼管收稅景德中以罷鹽倉省移巡轄馬遞舖使臣于水口巡捕私茶鹽收稅如初皇佑中復鹽倉就令本縣主簿管巡捕尋廢鹽倉遂以監稅兼本鎮烟火公事紹興間

差京朝官後以京官充

水口巡檢一員

以小使臣充

杉洋巡檢一員

掌巡捉私鹽盜賊公事

嵩溪驛驛丞一員

使華亭驛驛丞一員

元

縣屬中縣

按元史至元二十年定江淮以南三萬戶之上者為上縣一萬戶之上者

為中縣一萬戶
之下者為下縣

達魯花赤一員以蒙古人任

縣尹一員以漢人南人任

主簿一員

縣尉一員主捕盜之事

典史一員按元史上縣典史二員而三山續志但一員縣有司吏五人尉吏郵長

各一人貼書一十二人

儒學教諭一員

杉洋巡檢一員

水口驛提領副提領各一員

黃田驛提領副提領各一員

谷口西溪青窰三寨各巡檢一員

縣務提領一員

水口務都監一員 同監一員

際留倉大使一員 副使一員攢吏一人

明凡縣編戶滿二千以上者官全設不滿二千者省丞簿二員

知縣一員總管一縣政務凡學校農桑戶口賦役倉庫錢糧獄訟盜賊等事皆所通

管知府總大綱于上知縣分理庶務于下號親民官其職最重

縣丞一員

其職佐分理本縣政務

主簿一員

職掌勾稽出納以佐令為事

首領官典史一員

其職主出入文書贊理縣政

本縣儒學官三員

明初以明經儒士薦舉任無冠帶後以舉人歲貢並任之

廩膳生員二十人

附學生員人數不拘

教諭一員

總管學事遵奉勅書內事理教訓生徒務令

學習禮義廉恥孝弟忠信等事及肄習課業

講論經史以備擢用

遇廩增名缺具由申稟提調官定奪幫補遇考試則開具各生名冊送考凡本學倉糧及器用書籍等項皆諭掌

之各立卷簿而填交納

訓導二員

分教二齋生員教法與教諭同錢糧無與焉

谷口巡檢司巡檢一員

正統元年裁革

杉洋巡檢司巡檢一員

專巡捕假印盜賊囚犯軍徒匠役及私鹽私茶

水口驛驛丞一員

其職掌廩給鋪陳夫役馬匹供應等事

黃田驛驛丞一員

其職掌廩給鋪陳夫役馬匹供應等事

水口遞運所大使一員

其職掌收商稅課鈔隆慶元年裁革

陰陽學訓術一員

其職掌收商稅課鈔隆慶元年裁革

醫學訓科一員

其職掌收商稅課鈔隆慶元年裁革

古田縣志

卷之五 職官

僧會司僧會一員

道會司道會一員

國朝

知縣一員

儒學教諭一員

訓導一員 雍正十三年
裁撥屏南

縣丞一員 乾隆八年
移駐水口

典史一員

水口驛丞一員 乾隆八年
以縣丞攝

黃田驛丞一員

陰陽學

醫學

僧會司

道會司 缺

縣設六房房各置吏除陰陽醫學僧會道會不

置外其餘衙門皆一官一吏

吏房典吏一名 戶房典吏二名

禮房典吏一名 兵房典吏二名

刑房典吏二名 工房典吏二名

承發房典吏一名 總房典吏二名

縣丞攢典一名 門省一典史攢典一名

儒學攢典一名 黃田驛丞攢典一名

宋

知縣事兼兵馬監押

薛琪 宋初任 有傳 李堪 景德間任 有傳

許當 慶歷間任 有傳

楊恕 字貫之 慶歷六年以將仕郎任 遺愛在民

陳昌期 嘉佑間任 有傳 周彥耀

鄧觀 湯選 以上俱紹興間任

呂晉夫 河南人 紹興十年以朝官宣義郎出宰 立義塚 有仁聲

楊汝南 乾道間任 有傳 趙師璉

廖天覺 有傳 陳諒 有傳

傅康 有傳 薛舜庸 有傳

蘇文本 有傳 劉克遜 有傳 以上俱嘉定間

宗炳 號玉華 信州人 端平元年任 徐憲 開禧間任

留元亮 有傳

洪天錫 有傳

許鑒 有傳

黃時中 有傳

邱雙薦 景定間任 有傳

趙若禔 有傳

縣丞

郭能 有傳

沈汝弼

鮑有龍 有傳

主簿

何侑 有傳

林雷發

尉

吳公誠 有傳

游九言 有傳

趙希佞 開禧初任 有傳

楊仕訓 有傳

盧特 有傳

吳居仁 有傳

陳垕 有傳

蕭韡 有傳

林仲國 有傳

元

達魯花赤

木薛 至大間任

刺會薩 至正間任

縣尹

王 奐 至元末任 有傳

馬合麻 延佑間任 有傳

陳 均 延佑末任

何 玉 至治間任

趙孟籲 至治間任

劉 健 有傳

縣尉

張 寧 元貞初任 有傳

張繼狙 大德間任

明

知縣

韓秉嘉

陳 韶 有傳

章思溫

毛 秀 永福丞 署

鄧 恭

王 安 以上洪武間任

王友俊 有傳

馬 陶

花潤生 有傳

林 臯 以上永樂間任

張 皞

陶 衍

張 昱 有傳 以上宣德間任

丁思廣

陳 復 以上正統間任

杜永濟 字善振 建人 廉慎

愛民景 泰間任

尹 古 字如古 泰和人 正直

服 人

徐 忭 字汝寔 常熟人 寬裕

恤民以上 天順間任

黃 玠 字廷珪 南安人

余敏 滋陽人

汪瓘 太平人

茅和 字伯經 上虞人 善執紀綱 以上成化間任

侯景 字允高 曲江人 祈雨有感 民頌其德

屠容 有傳

陳秉哲 合浦人

蕭謙 字順之 泰和人 以上弘治間任

包傑 松陽人

周達 朝城人

錢益 長興人

劉綸 江夏人 以上正德間任

陳獻 字汝賢 番禺人

周誥 有傳

何章 貴溪人

蔡德進 有傳

何世綸 興業人

徐建 有傳

郭維藩 潮陽人

吳立 寧海人

向縞 江寧人

張棟 靈璧人

王所 有傳

張廷儀 浮梁人

楊存禮 南海人

黃繼儒 贛州人 以上嘉靖間任

鄧于蕃 南海人 隆慶間任

陳謙 錢塘人

周炎 會稽人

俞香 永豐人

鄭之馴 號漸川 潮陽人 選貢

黎民敬 號觀吾 順德人 舉人

譚汝賡 號湘臯 衡陽人 舉人

王鯤 號忠恒 歸善人 舉人

沈志文 號鳳池 海寧人 舉人

方之綱

號振宇桐城人舉人

劉曰賜

有傳

王繼祀

有傳

黃鳳翔

平溪衛籍蕪水人

萬士衡

南昌人

趙士龍

巴縣人

章啓陽

南昌人以上萬曆間任

吳柔思

有傳

劉若金

有傳以上天啓間任

費映環

鉛山人

楊德周

有傳

王錫袞

字補之武林人

王孫蕙

無錫人修城垣興文教請罷無藝征稅

吳士燿

廣東人

鄒璘

四川人

周之翰

揚州人

章簡

有傳以上崇禎間任

縣丞

呂泰

有傳

朱幼鵬

魏庸

以上洪武間任

夏忠

永樂間任

陳端

字秉正

項良

字彥忠順德人以上正統間任

趙辰

葉英

以上景泰間任

潘玉

丁志

以上天順間任

范顯

字以仁鄞縣人

沈敬通

字希睿四明人

譚瑄 字孟玉 南安人

吳儀 字仲鴻 烏程人

劉福玠 以上成化間任

陳祿 有傳

車安 番禺人

魏斌 有傳

童存禮 永康人

徐鸞 餘姚人 嚴慎清謹處事不苟 每見同僚不潔者面斥之

侯福 曲江人

余遠 南昌人

莫以賢 洛陽人 以上正德間任

翁攷 合浦人

楊廷璧 揭陽人

王繼 翁源人

葉春芳 有傳

關仲祿 高明人

柯域 建德人

李若魯 信宜人

衛俸 吳縣人

祝雲鶴 龍游人

甘露 豐城人

江文鎡 歙縣人

劉羲龍 三水人

潘可權 山陰人 監生

祈紹曾 東莞人 吏員

羅紹先 宣城人

蘇美紹 號岐峰石 埭人 監生

石鎬 號文台盧 溪人 選貢

焦有文 號清湖宣 城人 監生

李元若 號帶泉茂名 人 陞龍南令

莊以德 號紹溪武 陵人 吏員

施命臣 青陽人 增監

李格 監利人

張國賢 江寧人

戴化 羽林右衛籍上元人

嚴國憲 歸安人

林起鸞 海康人

周道先 會稽人

張致和 上虞人

邵明道 餘姚人

朱世洲

袁清

郁弘璧

胡廷獻

郭元禎

王簿

蘇璉

李善能

姚孟璵 洪武間任有傳

陳惠清 永樂間任

井旺

王理

龔鉞 正統間任

楊誥 字告之蘇州人弼政愛民

翁真 字淑靖臨川人景泰間任

李英 錢塘人

彭昇

留袞

任

謝忠

蘇隆 以上成化間任

劉和 蒼梧人以其治間

張貴 有傳

孟頊

曲江人

桂大倫

貴溪人

黃榮

曲江人

何唐

清遠人 以上正德間任

陸浩

豐城人

揭全壽

南雄府人

衛時賢

黃鐘

來賓人

陳允

南昌府人

羅友義

江陵人

鄒袞

豐城人

王琢

永豐人

章孟芳

蘭谿人

趙潤

永康人 監生

堵禧

宜興人

趙志書

蘭谿人

陳仕學

興寧人 吏員

李序

江陵人 選貢

徐應召

上饒人 監生

嚴世芳

上虞人 監生

高華

臨安人 吏員

郭堯績

蘭谿人 監生

黎興

南海人 吏員 陞湖廣來陽丞

王日茂

會稽人 吏員 陞廣海衛經歷

汪廷春

直隸貴池人 吏員

葛景祥

山陰人

汪溥

休寧人

張國相

宣城人

金應箕

六安人

宗殷禮

武進人

馬效正

天長人

任錫

會稽人

呂天章

新昌人

章宗華 昌化人

典史

董彥明 任 洪武間

黃惟發 南康人 能愛民

丁伯安

袁 瓘

張 璇

陳思海 永興人

鍾 奎 蒼梧人 正德間任

昌化人

袁 昇 正統間任

賀 鑑 天順間任

嚴 恭

沈 靖 以上成化間任

沈 琇

楊 敬

鍾 相 順德人

胡 桂 平湖人

周 陞 四會人

區 健 順德人

傅 卓 山陰人

黃 喬 餘姚人

譚 論 高明人

黎 盛

黃 翰 新會人

時 銳

李 權

區 應時

何仕俊 有傳

仰垂拱 江陰人

胡伯鵬 建德人

劉 綜 豐城人

顧 鯤 青浦人

徐 綸 會稽人

皇甫奠 桐廬人

徐鯤 建德人

林大通 海陽人

劉焯 豐城人

羅世俊 烏程人

何宗道 鄞縣人 陞河南磁州吏員

于承寵 餘姚人

駱夢熊 義烏人 陞良禾巡檢

康宗鏜 英德人

陳一厚 潮陽人 吏員

趙文錦 吳縣人

申思愛 南鄭人

朱應昆 蕭山人

錢仁望 山陰人

王澤長 舒城人

丁時復 蕭山人

姚繼善 會人

易志省 宜都人

王廷魁

魏仕望

盛景 以御史諫

教諭

陳任 有傳 永樂間任

李文舉 南海人 景泰間任

周瑄 吉水人

王敬 秀水人

龍叔韓 泰和人

余大鯨 南城縣人

何昭 番禺人

何湘 臨桂人 以

任

周真 字淑誠 山陰人 規矩

整飭別去 諸生滄泣

林昇

字廷拱潮陽人不受貧士贊禮署縣人服其廉弘治間任

牟克鞏

黃岩人

蔡元用

有傳

李琛

茂名人以上正德間任

鍾聲

清平衛人

王愷

字舜卿麗水人

謝詔

博羅人

馬驄

番禺人

陳一德

貴溪人

林賢

三水人

周一桂

桂林人

席祥

高安人

黎永清

蒼梧人

胡紹

有傳

謝維新

德慶州人

陸洽

吳縣人

趙瑩

保昌人

陳萱

公安人

姚能

武陵人歲貢

羅士毅

陽江人歲貢

陳執樂

福寧州人歲貢

林邦重

寧德人歲貢

邢掌修

友昌人歲貢

楊施

建安人

林子燮

福寧州人歲貢

葉宗舜

甌寧人舉人

李一軒

有傳

盧廷根

順昌人歲貢

留廷臣

青田人歲貢

吳家和

廬陵人

孔萼

高要人

楊溥

晉江人

吳祐

晉江人

程文燭

金華人

呂嗣綽

臨桂人

邱肇杰

于斯力

有傳

陳正中

安州人

石起立

訓導

林士名

鄭宗復

以上洪武間任

沈元素

邑人有傳

朱炳

雲南人

董秀

以上景泰間任

方良

仁和人

陳冠

順德人

曾唯

吉水人 以上天順間

任

鄭岳瑞

潮陽人

林啟

永嘉人

張瑄

字大璧餘干人輕財重義重建學宮

劉昇

黃梅人

黃富

字積之番島人

徐璿

揭陽人 以上弘治間任

方興

樂平人

孟紘

歸善人

胡廷賜

字效忠豐城人

馮貴

有傳

盧高

高要人 以上正德間

任

斤恭遜

博羅人

李采

四會人

余廷讓

化州人

李端甫

臨川人

劉瑋

新興人

胡士濂

番島人

盧向賢

滕縣人

王憲

松陽人

周政

饒平人

王桂芳

崖州人

蔡宗瑚

揭陽人

于介

寶應人

陳應辰

荆州府人
以上嘉靖間任

林清

廣西人

趙瑩

唐濟貞

安遠人

詹大受

瓊州府人

楊豫

漳平人

蕭一傑

大田人

吳德聚

海陽人

吳宏器

永安人

張觀泉

莆田人

蔡果東

安溪人

黃守禮

化州人

季巡

邵武府人

張應奎

漳浦人

黃鉞卿

清江人

廖文琢

建寧人

饒儼

永安人

方慶芝

開化人

莫與儔

陽山人

周旒

壽寧人

童紹德

連城人

劉定

普寧人

劉世濟

邵武人

史書元

晉江人

官廷試

光澤人

陳應薦

松溪人

何安思

光澤人

潘學顏

新城人

黃務學

南平人

廖有暉

順昌人

戴宗禹 浮梁人

吳洪儁

黃守誼 有傳

巡檢

孫再貴 合肥人

熊彥迪 有傳以上谷口鎮

袁興 洪武間任

劉陵 正德間任

阮儀 勤縣人

畢宗儒 武進人

陳憲 鳳陽人

張鏞 以上杉洋鎮

水口驛丞

姚斌 洪武間任

李爵 豐城人弘治間任

蕭久 南昌人

翁益 蘭谿人正德間任

邱萬全

蔡廷翰 臨海人嘉靖間任

章應乾 嘉興府人

翁大意 餘姚人

徐鏗 上虞人隆慶間任

金棟 山陰人萬曆元年任

謝復泰 祈門人

陳鑑 秀水人

張應時 婺源人

陳信 松溪人

葉中堅 遂昌人

黃天成 餘姚人

李宇 江都人

鄭湧 鄞縣人

李應會 弋陽人

潘大德 西安人

施良寧 縉雲人

李能志 南昌人

黃田驛丞

魏秀 弘治間任

廖剛 陽朔人

王清 臨川人 正德間任

李梅 太原人

涂廷用 豐城人

吉仁 武進人

韓鎧

陳佳賓 嘉靖間任

熊和

王模 桂林人

任文理 鄞縣人

張師顏 合肥人

王文達 慈谿人

張良貴 新淦人

吳棟 南靖人

危德懋 邵武人

李秀奇 高要人

國朝

知縣

周璋 遼東人

甘體垣 有傳

王復初 平陽人

張四明 西安人

吳來儀 武進人 進士

楊鴻儒 南昌人

韓獻 六安人

郭際運 四川人 舉人

黃執中 有傳

耿德曙 直隸人 進士

鄒維新

桐城人舉

董允繹
人舉

何亮功

宜興人進士康熙二十九年任

吳珩

鎮番衛人拔貢康熙三十年任

何鋹

豐潤人舉人康熙三十四年任

曹牧

康熙三十九年任有傳

陳瓚

鑲藍旗人監生康熙四十一年任

段常諤

永年人舉人康熙四十三年任

張佑後

康熙四十七年任有傳

林徵麟

日縣志 卷之五

李光國

正黃旗人副榜康熙四十九年任

韓居泰

高陽人貢生康熙五十四年任

趙弘煥

鑲紅旗人監生康熙

章璠

吳縣人貢生雍正五年

蘇石麟

鎮平人監生雍正七年

楊璧

山陰人監生雍正七年任

黃南春

山陰人貢生雍正九年

徐治民

正白旗人監生雍正

趙琳

鄆城人舉人雍正十

李鑑

上海人監生雍正十

朱岳楷

日縣志 卷之五 職官

五

任二年

姚廷格

平遠人舉人
乾隆三年署

馬瀚華

雍正十三年任有傳

劉之麟

三水人舉人
乾隆四年

署年

劉光訓

滄州人監生
乾隆六年署

馮永振

乾隆五年任有傳

李基弘

高郵州人
舉人乾隆

任六年

黃昌遇

江寧人舉人
乾隆九年

年任

張學舉

如皋人舉人
乾隆十年

年仍回古田任

伍焯

安福人進士
乾隆十年

署年

李藩

潯陽人舉人
乾隆十年

任四年

王作霖

安陽人進士
乾隆十年

任五年

梅瑞

順德人貢生
本縣

承乾隆十年

秘世通

故城人舉人
乾隆十年

任五年

辛竟可

元城人舉人
乾隆十年

任五年

教諭

葛定襄

浙江人

程尹起

莆田人

蒲世趾

諸羅人

彭維祧

寧德人

鄭兆綱

有傳

鄭兆鑛

晉江人

李茂遠

有傳

陳光緒

泰寧人舉人

溫廷選 德化人舉人丁巳科會試
揀選明通乾隆六年任

訓導

陳炳衡 詔安人

黃麟瑞 沙縣人

陳丹書 永安人

甘九疇 有傳

劉有章 莆田人

江應昌 泰寧人

許鳴注 南靖人

陳良訓 詔安人

羅開 寧洋人

楊昌鼎 晉江人

徐之駒 建安人
有傳

鄧甘梅 沙縣人

林學尊 有傳

縣丞

胡思挺

沈文源 寧國人

孫肇聲 北直人

徐鼎 黃岡人

王明旦 直隸人

王伍鼎 山西人

劉君慶 保安州人

徐卿望 大興人

丁學孔 山陰人

張乃詒 丹徒人

侯桓 宜賓人

周天福 大興人監生

胡文燈

謝晉梓 嘉應州人

岑堯臣

姚國興

朱士顯

蕭山人監生乾隆八年
移駐水口兼理驛務

唐泳遠

涓潭人監生
乾隆九年任

金帶

江都人監生
乾隆十年

署年

戈

鎡

吳縣人吏員
乾隆十一年任

梅

瑞

順德人貢生
乾隆十年

一年任

吳昌傳

晉州人拔貢
乾隆十年

邊廷魁

奉天人
乾隆十六年

五年署任

典史

何載圖

陝西人

胡應中

順天人

徐應朝

浙江人

胡文煜

直隸人

羅景辰

陝西人

胡一岱

山陰人

何毓英

太原人

余燧

懷來人

許彩裕

天津人

章大成

會稽人

馬清譽

善化人
乾隆元年任

金帶

江都人
本縣縣丞
乾隆

隆十一年署

潘赤文

大興人
白沙驛丞
乾隆

隆十一年署

李世貴

韓城人
乾隆十二年

夏廷英

貴池人
乾隆十六年

水口驛丞

胡逢吉

房山人

董之彬

考成人

高芝

大興人

樓映斗

大興人

黃田驛丞

姚重

騰驤右衛人

陳文德

蔚縣人

姚煥

南昌人

朱斐

山陰人

陳鑑

大興人

郭大典

旌德人

夏復隆

大興人

趙榮

繁昌人

張一夔

梁城所人

陳元肇

大興人

張

燦

大興人

吳文倬

清苑人

何允深

趙州人

黃鹿鳴

旌德人

名宦

峻烈豐功碑傳晉峴積年累世栢比召棠仕宦
 獲此難矣廉潔仁慈之令即不必汲汲于身後
 名而建祠設像永薦馨香報德固宜然也姓字
 行實登于邑乘萬代稽覽想慕流風長生若何
 此為長生爾志名宦

宋

薛琪

宋初任古田勤于撫字清操著聞後二
 十五年李堪繼之延問父老曰前令孰
 賢者民蘇紹對曰邑侯連列如綫能自樹立賄
 賂不可市者薛令君也堪每自謂不及焉

李堪 字仲任號平坡常州人太平興國二年進士與王曾晏殊齊名景德二年令古

田務本外未愛民惠士建學立社舉鄉飲毀淫祠黜異教以禮讓化俗政暇則集諸生耆老討論治理並有迹作父老德之祀于學又專祀于

北臺有記浦城楊億贈詩云由來百里應華星何况牛刀乍發礪五柳不須輕印綬七閩聊且

訪圖經雪天暢飲連浮白海縣抄書剩殺青公暇好裁封禪頌聖

皇將欲駕雲亭

許當 字當時慶歷三年以承奉郎出宰後陞職方員外去後人思之

陳昌期 字世卿嘉祐間令修學勸士平易近人民德之後之數循吏者必合而稱之曰

薛李許 陳云

吳公誠 莆田人大觀三年進士調古田尉政和初林利等寇山谷公誠獨將數十卒生

擒利賓諸法盡散遣其餘黨提舉何誦嘉其功累薦改承奉郎

蕭韡 字棠仲龍溪人登大觀第調古田尉獲羣盜為滅賊以免死或告以賊不應格

韡曰利囚命以取官非吾志也遷福清丞有誣告平民事妖術者韡為申雪保全數百家

楊汝南 字彥侯龍溪人紹興進士乾道間令古田崇學校置學田與諸生質疑問難考

德勵業又造福安橋以利民自筮仕即以廉平公勤四字自警故所至有聲

廖天覺 字仲先順昌人紹興四年進士令古田民有負上供銀布幾百萬多方理償之

教民敦孝悌力農桑戒溺女禁遊民四條詞旨懇切民皆從之部使者張穆稱其有古循良風

後以朝請大夫致仕

游九思 字誠之更名九言號默齋建陽人乾道間為古田西尉律已廉泣事敏撫民仁

事上敬邑人愛之後
贈直龍圖閣謚文靖

郭能

溫陵人乾道三年為古田丞以論語中之履常滿後遷承議郎賜緋魚袋

趙希佺

字安道漳州人開禧初舉進士調古田尉以廉稱獲羣盜格當賞希佺不欲邀利白長官只坐其尤者餘多全活調沙縣丞所至崇學禮賢為時所重

楊仕訓

字尹叔詔安人朱文公守漳仕訓聽講元進士授古田尉政尚寬和訟者輒諭解之監鄂州糧料稅踰月卒無以為殯總帥率屬贈賻

得歸櫬行道皆掩泣

陳諒

字友仲仙遊人知古田縣專意撫字民號為佛子及解歸以帑藏無贏為司賦者所

阻朱文公言于帥曰陳宰廉吏也若以此逗留何以勸善乎遂得釋

傅康

字仲良伯成之子晉江人以父蔭令古田先是邑猾胥匿簿書盜賊入使不可考康

籍其家盡得所匿覆得其實宿弊頓清後為司農寺丞知汀州又徙南劍發奸摘伏吏不敢欺

進司農卿兼左司諫知袁州直徽猷閣致仕

薛舜庸

字惠父同安人繼其兄舜俞登第以朝奉郎令古田故事民間有牛死者輸錢于官舜庸嘆曰民不幸失牛又責其財是重困也立除之增邑庠廩餼建閣藏書以惠生徒陞

興化通判

蘇文本

以通直郎為古田令外樂易而中有守請托不行年踰六十猶勤于政事

劉克遜

字無競莆田人克莊之弟以父任補官調古田令救荒捕盜勤勞著績

盧

特

為古田東尉嘗奉縣檄祈雨于藍田溪源龍井見龍躍出露一爪須臾潛去雨亦隨

至人以為精神所感

吳居仁

字溫父浦城人以特科歷古田尉用儒術飭吏治聽訟必以人倫大義斷曲直

部使下其法于州縣居官廉介死無以為殮朱子稱其廉吏

留元亮

晉江人丞相正之後淳祐間以宣教郎令古田有仁政嘗祀先賢創義塚置貢

士莊民立祠祀之

洪天錫

泉州人世稱賜岩先生寶慶中進士以奉議郎令古田邑劇牒多剖決如流有

倚藩邸勢殺人者即按誅之後通判建寧府陞秘閣修撰福建轉運副使度宗初為安撫使罷

商戶買鹽令又奏罷荔枝貢累官知端明殿學士卒謚文毅

許鑿

溫州人淳佑間以宣教郎令古田有風力抑強扶弱人畏憚之嘗遷建邑廟學

黃時中

號竹坡令古田有文學踐履誠篤不棄病妻妻死服齊衰期年當路屢薦治有

循聲

鮑友龍

寶祐中以從事為古田丞嘗捐俸置田贍學養士

邱雙薦

泉州人授古田令公謹廉正人不敢干以私嚴于胥役寬于百姓嘗捐俸添立

留令貢士莊

趙若禮

宋宗室令古田信賞必罰吏畏憚之卒于官士民皆流涕

林仲國

字定叟莆田人登進士咸淳間任廉慎自持斷事不經宿饋送雖微物不受月

俸不給常典質以充衣食在官三年無纖瑕可指士民敬愛之

何侗 字德獻龍泉人通經史其詩文有浩翁風弱冠調古田簿旋攝縣事斷決滯獄輕重得情吏民驚服仕至經畧安撫廣西西路兼提舉兵馬事

元

馬合麻 色目人延祐初為達魯花赤在任三年苞苴不入權勢不行聽訟明察如神奸

吏無所容邑人心服

王奐 汶上人至元末尹古田多善政得吏民心常修學校建社壇功成而民不擾

陳均 延祐間宰古田興學校理農桑省刑罰薄稅斂士民歌頌

劉健 河南人父濬當王善之亂突陣斬其前鋒賊兵大合濬中箭墜馬健下馬掖之俱被

執濬罵賊不屈賊斷濬手足罵愈厲斷其舌而死賊義之乃舍健健歸請于帥府復佐弗聽散

家貲結死士百餘人詐降賊夜半發火大噪賊驚擾自相屠戮健手斬殺父者併擒王善等討府上其事授健古田尹有廉明聲

張寧 元貞元年為古田尉以文學操守稱愛撫百姓人懷其惠丙申歲饑常施粥民賴以

濟

明

沈元素 本縣人從學於張翠屏元時赴都寫金字經授福州府教授後謝歸洪武初舉

授古田學訓創立學舍師道甚嚴造就書生皆有成績書篆琴畫皆工後擢僉憲祀名宦

陳韶 浙江寧波人洪武七年尹古田清約自守推所學以誨人諸生受益者甚衆

王友俊 上虞人威重有為任江西按察司試僉事洪武庚辰來宰古田政由已出吏弊

悉除崇學校得士民心流逋
悉歸境稱治平後卒于官

呂泰 洛陽人洪武初為古田丞清廉勤慎修譙
樓製壺漏訟簡民安後陞湖廣按察司僉
事

熊彥迪 南昌人洪武初為古田谷口巡檢始至
覈荒田蠲稅額以蘇逋負永福寇章振

遣孽朱明叔據桃花洞僭號稱王閩大震彥迪
率所部夜擣其巢擒之餘黨悉平御史馮上其
事擢兵馬司
未及去卒

姚孟璵 洪武間授古田簿時邑多流亡戶絕稅
存艱于徵輸孟璵覈荒田千頃請蠲其

額邑人始
安堵復業

花潤生 字蘊玉邵武人資性剛方詩文雅健永
樂甲申進士授古田令教民樹藝創公

署興學校為諸生置書籍親
與講課後擢浙江督學僉事

陳任 字孝原錢塘人永樂初以徐州訓導召入
文淵閣修永樂大典書成陞古田諭秩滿

諸生疏留在任十餘年勤于訓迪科甲得人為
盛卒于官遂家焉子敏政由閩鄉會薦官知府
後為古
田人

張昱 字以暹賀縣人宣德間由進士令古田疏
煥文渠改楊梅嶺路建東溪浮橋葺城隍

祠宇其他功績尚多民
德之為立碑附靈應廟

屠容 崇寧人弘治初由舉人授古田令與利除
奸愛民禮士尤留心學校凡殿廡戟門明

倫堂尊經閣皆其創立
以疾致仕民思之不忘

魏斌 潮陽人弘治中由吏員授古田丞和易有
守禮士恤民值歲旱步禱天平山龍井白

畫龍見于井霖雨隨至民以為積誠所感後卒于官

張貴 臨淄人弘治末任古田簿以公廉自守時白水洞寇發坊村騷擾監司調兵勦捕貴

與其子思仁戮力平之後卒于官

蔡元用 無錫人以鄉貢任古田諭處已端方教士有法却贊儀作士氣貧士不能存者

捐貲以贍之

周誥 吉水人由鄉科嘉靖六年令古田工文學善利治邑西郊多閑曠地令民墾治之為

傳種陸之種于江右併示播種法暇則巡行阡陌察有土就荒苗弗秀者必誠罰之且善堪輿

家言謂屏山邑之背也其右嶺凹有風則背寒令多植樹木為障蔽城東南濱水衝激作石櫃

插榆柳為隄防計城賴以固卒于官民哀之

蔡德進 字士抑東莞人嘉靖間令古田愛民好改黔陽令

民思之

徐建 字曰中餘姚人由鄉貢嘉靖間任古田令留心士類賑卹民困邑縣宇學宮皆前逼

民居而狹觀者病之捐俸金買其地撤而廣焉舊時民輸米福清倉議改折價而悍弁倡為危

論以求益建力懇當事得從前議民德之祀名宦且有特祠詳載郎中林炫叅議鄭茂碑文中

王所 字敬作東莞人由鄉貢知古田嘉靖末倭寇流毒而邑城垣卑薄不足為備所諮于

父老曰太平之盜志在金帛與攻城掠地者異城郭溝池所以為富者守也於是籍富人為三

等計役分任之增城堞建樓櫓鑿溝濠以防不虞未幾倭薄城下所親操矢石率眾防禦夜遣

驍勇火攻其營遁去後備兵使者蜀人宋豫卿作詩咏其事云城北高樓鎖碧空翠屏佳氣應

玲瓏兩在日月瞻依近夾岸旌旗指顧中社稷
有靈憑一旅山河無恙伏孤忠飛鳧王子今安
在千載難忘保障功所性好士嘗捐俸葺宮牆
又哀黃緇羨田以周青衿之不瞻事載修學增
中田記

清馮貴 山陰人嘉靖間由歲貢司古田訓志篤行
方勤皆有則誨人尤諄諄于躬行之實諸

生貧者輒却其
贄儀益加賑卹

蔡宗瑚 揭陽縣人授古田訓導資性篤實不獵
聲名和厚如春陽可掬士愛而敬之引

疾乞
歸

葉春芳 歸善人由歲貢為古田丞勤撫字作孝
順歌去後立愛民慈父碑于李公祠

胡紹 壽州人古田教諭行履端亮每書性理格
言于署壁以訓諸生後乞歸至今稱其高

致

何仕俊 海康人隆慶間古田典史清操絕俗當
事重之民稱為河邊鴈監司解曰此官

只飲水也後遷主簿
而去人思之不忘

李一軒 號抑箴潮陽人萬曆乙酉舉人授陸川
令以直道迂時遷古田論甫涖任見廟

庶傾圮捐俸葺之嚴課程劬詩社以成就後學
為已任諸生有貧不能支者輒加賑卹暇則徵

文考獻哀集成書以備編纂人但知邑乘之修
始于劉曰暘而不知一軒實先為之嚆矢也性

恬退屢欲致職尋以評糴拂主者意調楚中藩
邸官臨行囊無一錢多士白于臺司給應乘驛

以去去後人思之立碑以
誌不忘徐啓東為之記

劉曰暘 字蓋卿南昌人萬曆間以鄉貢任古田
令精明幹濟蠹猾屏息愛民恤士振興

文教庀祭器清祠田大有造于學校尤悉心保障凡城堡戎具修葺製造動按古法邑舊多逋賦以官役代輸多所乾沒乃清厥浮溢月徵一限輸者競至他如舒驛站之困豫倉儲之需前後擘畫按所撰治縣記蓋詳焉玉田舊未有志特探討故實採輯逸篇彰往勸來厥功實鉅課最晉全州守去後士民即明德書院祀之

王繼祀 字懋承歸安人萬曆辛丑進士令古田政尚寬厚一切束濕鈎鉅之術舉無所用蓋慈惠長也修學宮治城濠懲金礦之害民

躬橋渡以利涉凡有益于民者次第舉邑有二驛黃田最為疲困抵任三日力請增額驛困稍蘇至于利商剝民鐵爐為甚痛陳其弊悉徐之

縣志創自劉令繼祀續之廣蒐博採補所未備功不下劉蓋卿云

吳柔思 字徽止宜興人壬戌進士授古田令涖政值凶荒盜賊四起勸紳士發粟以賑

饑民而邑城崩頽十已去其八九與邑紳余文龍議鳩聚邑人之殷實而好義者修葺視舊造鞏固有加至今賴之

劉若金 安福人令古田慈惠愛民民立祠祀之

楊德周 字南仲寧波人崇禎間任古田令甫下

意低昂者誓不生還自是剔蠹必清其源鋤奸先湔其蔀編審精覈追呼不擾時荒旱相仍征歛無藝汲深縲短撫字心勞凡百設施皆準今酌古劑量而行之于兵制則協議增議減之機宜于民事則懲雀鼠蠹蝨之積弊其言曰政去其太甚但能安于不擾便是勝于有為是為臨民龜鑑輯纂志畧典核精詳富吟詠為能以風雅飭吏治云

黃守誼 粵東人崇禎戊寅司古田訓至之日見

學宮頽圯慨然有興作志申督學使者

率諸生而董其成列課士十則崇實黜
華自撰重修 文廟記泐碑以誌不朽

章 簡 字次号華亭人由舉人令羅源崇禎十六
年署古田三月政成民懷吏懾公餘手不

釋卷著有敬亭格言玉田雜
咏後聞闖賊陷京師赴難死

于斯力 字文言湖廣人崇禎末由舉人任古田
諭性嚴正有諸生以他事株累邑令迫

其揭詳斯力毅然曰官可去士不可寬邑令悔
而釋之尋擢戶部主政甲申變作九章歌極悲
憤

國朝

甘體垣 字仰之遼東人順治初知古田戊子歲
大饑寇薄城下募驍勇晝夜防守相持

不下者旬餘時郡亦有警音耗不通孤城危甚
一日巡哨獲奸細叱置之法諦視之乃舊革役

曾魁也緩其縛密詢賊情狀魁備陳冀末謂非
詣郡請兵圍不解因貫魁罪屬其馳書請援魁
感泣應命遂密緹告急章于襪底詰旦伴予魁
重杖令得逸去抵賊營示以杖痕且詒賊言城
中無隙可乘請往合海寇共攻賊信之遂星夜
抵會城拆襪呈牒大帥遣兵隨魁行魁以計戮
賊及望見縣城噪而前曰救兵至矣城中盡出
為應突有殘寇追至體垣手刃數十人餘黨悉
平民懷其保城功立祠 文廟右祀之後調知
海澄守將赫文與叛汗以偽命不受強之瞑目
不食知不可屈
沉之水而死

黃執中 奉天海城人康熙十七年合古田時耿
逆初定餘黨逃匿深山每出擄掠居民

相率遷徙執中身率鄉勇拔藤牽葛直搗巢穴
立殲巨魁八人餘黨潰散招撫流離俾歸安業
值軍興旁午一切供需羽檄紛馳
如期應辦加意節省上下稱善

甘九疇 邑德化人以歲貢任司訓攝教諭篆甫至

甚飭諸生中有因辱于追徵者 捐俸抵之至今猶傳為美談

陳 璜 號眉川海康人甲戌進士康熙三十九年

聲色不動吏易之一月後摘發如神始震懼喪

魄按籍釐剔察知遠都積逋皆由冊胥飛洒詭

寄額數浮溢所致遂輕輿減從往諭各村認本戶

輸納其浮額悉惟冊胥是問風聞各村迓恐後

數十年錮弊一旦頓清所至不妄費民一錢婦

孺以芋蔬餽則欣然受水口差役舊派民夫窮

黎重困夏四月適有公務催辦匆迫乃親詣驛

語使者曰我民此時佈插忙甚何暇及此若急

於供應惟我可當一夫耳隨請豁免居官自奉

極薄日噉老薑少許羨餘所入悉以歸公秋毫

不染公暇引諸生考課以立品敦行為先每夜

躬自巡行詢父老疾苦聞讀書紡績聲則重獎

賞有群飲高歌者嚴戒諭之修學宮勅文昌閣

建屏山書院設招徠館以處遠都之來編審者

民德之尋調台灣倉穀以平糶缺額村庶爭輸

升斗不兩日歉數已贏于前矣去之時街號巷

哭相送數十里外而別建生祠三所春秋祀之

治行為國朝第一後復撫閩中卒于官贈禮

部尚書謚清端康熙

五十九年入祀名宦

林徵麟 字厚庭廣東舉人令古田潔已愛民一

倦色竟以催科政 拙罷去時論惜之 鄭兆綱 字立齋惠安人以貢授古田諭學有根

徐之駒 字昂若建安人 以貢可訓古田與諸生

者分俸贍之解任時邑人士

藁刻贈言以餞且為立碑

蘓石麟 字景坡朝邑人 進士署古田令和平樂

其父允慈祥石麟之明

而不苛蓋遵父教也

李茂遠 字二涯龍溪人 由舉人任古田諭博極

指陳原委有以詩文就正者直指其誤不枉不

阿秉鐸十年所造就者甚眾諸生顏其堂曰力

興正

清 馬綸華 字汝調會稽人 庚戌進士令古田發伏

內慈有時下邨民設盛饌止取一肉一羹餘悉

令持去曰不持去徒果予從者腹而不汝德也

惠庶敬儒耐守清苦去官之日

歸囊甚瘠僅足為路費而已

林學尊 字瞻孔沙縣人 以歲貢任古田訓導性

守人不敢干以私勤于勸課

所鑒拔多力學好古之士

馮永振 字日鴻錢塘人 庚戌進士任惠安調古

及泄事御史以嚴待民以寬禁賂具弭竊盜風

清弊絕卧治七月以疾乞解任上憲廉其才弗

允卒于官

行賞

--	--	--	--	--	--	--	--	--

